

N.C. FAMOUS LODGES



KALAHARI JAG 2012

GPS – MOLOPO KALAHARI LODGE **S26°56.00.3** **E20°39.49.9**

GPS – VISCHGAT LODGE **S27°07.31** **E021°15.02**

Baie dankie vir die navraag, graag voorsien ons u van die inligting soos bespreek. Vischgat Game Lodge is 'n 14000 hektaar wild en skaap plaas, geleë 50km vanaf Askham van Van Zylsrus, ongeveer 65km vanaf Molopo Kalahari Lodge. Die wildkamp is ongeveer 5000 hektaar en natuurlik wildwerend omhein en heeltemal geskei vanaf die skaap kampe.

Die lodge is 7km in die duine vanaf die hoofgrondpad tussen Van Zylsrus en Askam en dit is ook die ingang van die plaas. Absolute privaatheid en rustigheid is onbeskryfbaar.

Die lodge bestaan uit charlets met stort en badkamers, ten volle toegerus nl. beddegoed, handdoeke, sjampoo en seep. Die akkommodasie is 5 ster en word daagliks skoon gemaak. Is ook toegerus met lugverkoelers.

Die hoofgebou bestaan uit 'n volledige kombuis, gasstoof, mikrogolf oond, vries- en yskaste. Daar is 'n kroeg, ys voorsien ons gratis en kroeg is ook toegerus met glase. Die hoofgebou word daagliks skoongemaak.

Voor die hoofgebou is 'n swembad en braai geriewe. Die uitsig en natuur om die lodge is asemrowend. Hout vir vleisbraai is te koop op die plaas @ R20.00 per bondel. (Let wel: Geen hout word op plaas opgetel nie).

Baie gewild, natuurlik is ons Kalahari skaap. Baie mense reël voor die tyd met ons, dan slag ons 'n lam, hang dit vir 5 dae in die koelkamer en as u aankom, braai u Kalahari skaap, dis mos die lewe. Die prys vir die skaap is R55.00 per kilogram. Dit word netjies in pakkies verpak en in die vrieskas gesit vir u gebruik of daar is braaipakke in vrieskas vir u gebruik, met selfgemaakte wors en Kalahari skaap tjops.

Molopo
KALAHARI
LODGE

KALAHARI

Tel: +27 (54) 511 0008

Fax: +27 (54) 511 0009

E-mail: molopokalahari@webmail.co.za

Tshahitsi
LODGE

UPINGTON

Tel: +27 (54) 333 1126

Fax: +27 (54) 333 1127

E-mail: nclodge@webmail.co.za

Vischgat
GAME LODGE

KALAHARI

Tel: +27 (54) 511 0008

Fax: +27 (54) 511 0009

E-mail: molopokalahari@webmail.co.za

Elandspooi
BUSH CAMP

Die Lodge beskik oor twee jag voertuie, met banke, dit is te huur met drywer en gids vir R2000.00 per dag, diesel ingesluit. As eie voertuig gebruik word vir jag moet dit trallies ophê vir u eie veiligheid. Ons voorsien dan net gidse en nie drywers nie. Die gids se kostes per dag beloop R500.00 op u voertuig.

Die volgende wild is beskikbaar vir die 2012 jag seisoen:

- Gemsbok @ R3800.00
- Springbok @ R700.00
- Rooihartbees @ R3200.00
- Blouwildebees @ R3200.00
- Rooibokke (nie beskikbaar)
- Eland bulle @ R7000.00
- Eland koeie @ R6000.00
- Zebra @ R6000.00
- Swartwildebees (nie beskikbaar)
- Blesbok (nie beskikbaar)
- Volstruise @ R2000.00

Slag koste:

Springbok – kop af, pote af	@	R45.00 per bok
Springbok – afgeslag, uitmekaar gehaal	@	R65.00 per bok
Groot wild – kop af, pote af	@	R65.00 per bok
Groot wild – afgeslag, uitmekaar gehaal	@	R90.00 per bok

(Geen geld word aan die plaasmense uitbetaal nie, die kantoor berei 'n rekening voor en u betaal direk aan die kantoor).

Indien die gids 'n kwesbok uitwys, word die jag gestop en die kwesbok word eers gesoek, indien nie gekry moet die bok ten volle betaal word. (Dit gebeur selde, want die goue reël op Vischgat is bly slaapyd, geen kwesbokke in veld). Die afsny tyd vir jag is 17h00 namiddag net voor skemer.

Vischgat Game Lodge is selfsorg, maar as u versoek dat ons die kos voorberei, doen ons dit wat u vra @ R600.00 per persoon en sluit in brunch en aandete. Akkommodasie koste beloop R350.00 per persoon per nag. Skoolgaande kinders betaal 50%, nie skoolgaande kinders bly gratis.

Indien u sou belangstel om te kom jag, skakel my gerus sodat ons die finale reëlings kan tref. Dit sal vir ons 'n voorreg wees om u met die Kalahari gasvryheid te trakteer. En onthou, u vrou en kinders is baie welkom. Vischgat is vir die hele familie ingerig.

Indien u deur Upington ry en op soek is na verblyf, besoek ons gerus by Tshahitsi Lodge, net voordat u die dorp inkom vanaf Olifantshoek.

GPS koördinate – S28°26.24 E21°16.91

Besoek gerus die Molopo Kalahari Lodge vir lekker etes in ons restaurant, veral ons wild menu, en baie gewilde kroeg.

Wild is maar beperk tot kwota wat uitgeskiet word, indien ek u nie kan akkommodeer nie, kan ek wild reël op ander naby geleë plase, en u kan by een van die lodges oornag.

Besoek ons webblad by www.molopolodge.co.za

Ons e-pos adres is namrod13@lantic.net vir meer besonderhede, of hoofkantoor te Uppington by Tshahitsi Lodge, nclodge@webmail.co.za

Sal u asseblief die volgende inligting aan ons terug faks; 086 553 8046 of e-pos na nclodge@webmail.co.za

Voorletters en van : _____

U kontak nommers : _____

Datum van jag : _____

Aantal persone : Volwasse _____ Kinders _____

Geslagte skaap in pakkies gemaak : _____

Jagbakkie huur : Huur _____ Hoeveel: 1 of 2

Enige ander aanvraag?

Spesifiseer _____

Vrywaring aan plaas eienaar:

By ondertekening van hierdie skrywe vrywaar u die plaas eienaar onvoorwaardelik van enige ongelukke of enige aksies hoegenaamd wat mag plaasvind gedurende u verblyf by Vischgat Game Lodge.

Geteken te _____ op hierdie _____ van _____ 20__

HANDTEKENING